

Sa Unibersalismo

Kinahanglan gid bala ang
pagtoo sa sining kabuhi
agud nga makasulod sa
ginhari-an sang Langit?

Danutasn Brown

Mga Kaundan

Pagpakilala	3
Duha ka grupo: Linuwas kag Nawala	5
Tanan Bala Nga Kapungsuran maluwas?	8
Apollumi kag ang iyang kaundan	11
Maid-id nga Pagtan-aw sa Kalaglagan	15
Paghinulsol sa tapus sang kamatayon?.....	17
Kabuhing dayon isa ka palanublion	22
Ang Libro sang Kabuhi.....	26
Sa linaw nga kalayo una nga mabati-an ang kamatuuran?	28
Testimoniya sang mga nauna.....	30
Testimonya ni Ellen White	35
Konklusyon.....	44

Pagpakilala

Mas madali sa aton ang paboran ining idea nga unibersalismo. Indi ina nagkahulogan nga ang iban indi na makabati pa sang maayong balita—paano nga indi na sila pagsugtan nga makasulod sa langit? Ang Dios gugma;indi bala gali Siya gusto nga luwason ang iya mga kaanakan?

Apang damu kaayo ang problema nga pagasugataon sa sining idea. Ang una sini amo ang mga pagyaguta sa bug os nga proceso sang pagpangwali sa bug os nga kalibutan. Ngaa magwali pa kita kon ang tanan makasaka lang naman? May maayo pa bala nga rason nga magbiya sa pagpakasala? Mangin ululigaton naman ang ginhimo ni Kristo nga katumbasan sa krus. Kinahanglan gid bala ang pag antus ni Kristo sa krus kon ang tanan makasulod man lang gihapon; magtoo man sila ukon indi? Si Jesus nagkari sa sini nga kalibutan agud mapakita sa aton ang matuod nga kinaiyahan sang AMAY agud nga kita mapasag uli sa IYA kag sa pagkamatinaon sang kasuguan. Pero kon para sa aton wala kita nagakabalaka sa aton mga pagginawi kag wala kita nagbinagbinag sa aton pagbinatasan, busa kaangay lang nga kita wala nagakinahanglan kay Kristo nga magkaayo sang aton pagkamasinalaypon kag ang pagbulig agud sa pagsunod sa iyang kasuguan. Magmangin walay kabilinggan na ini sa aton.

Walay duda nga gusto gid ni Kristo nga ang tanan maluwas. Apang ang bug- os nga rason ngaa nga kinahanglan gid mag-apila sa tawo, kag mag tinguha sa pagpangita paagi nga maluwas, kay tungod ang tawo padayon nga nagasikway sa IYA. Ngaa nga magsigipa gid abi alungay sa tawo kon mahimo lang man sang DIOS nga pasimbahon kag pakabuhion sing dayon bisan pa ang tawo mismo indi ganahan?

Indi bala isa ina ka pagpamatok sa tawhanon nga pagpili? Magapamilit gali ang Dios sa pagpabag o sang hunahuna agud lang ipasag-uli ang tawo sa Dios?

May mga pagbais nga kuno; kon makit-an gani na sang tawo ang matuod nga katapusan, mahapus nalang sa ila ang pagbaton, ang pagpangayo patawad sang ila mga sala kag maluwas. Pero ini isa ka pag asyumer nalang nga kuno abi ang tanan maghaku sining unibersalismo nga prinsipyo kag isipon nga matuod. Isa lang ini ka handum sa bitoon nga idea apang nagasikway ini sa realidad sang kahilwayan sa pagpili kag ang responsibilidad sang mga pagpili.

Kabay kuntani nga ini nga mga balasahon magasabat sa madamu nga mga palamangkutanon.

Duha ka grupo: Linuwas kag Nawala

Ang Unibersalismo nagapakigbatok sa sentro nga prinsipyo sang Biblia—nga ang mga matarung maluwas kag ang mga malauton pagasilotan. Lantawon ta ining maathag nga dinalan:

Ang nagatoo kag nabautisohan maluwas; apang angwala nagatoo tagudilian. Mark 16:16

Sa pagkilala, ang birsikulo kon basahon nagatumod sa duha ka grupo, isa linuwas kag ang isa pagatagudilian. Karon ang idea nga sa pagatagudilian para sa isa ka grupo indi maayo pamati-an kag makahaladluk. Ini nga teksto nagaduso sa aton sa pagbuhat sang isa ka tikang bilang aton bahin dapat nga angay ta buhaton. Ano ayhan ina nga tikang? Ang mangin diterminado nga magtu-on sa Biblia bala? Okon ang magpangamuyo, kag ang magpaambit sang pulong sa iban kag ang magtingua sa pagpasiguro sa kaluwasan naton kag sang iban nga mga tumuloo? Okon isiling ta lang nga ang “pagasilotan” sa lip-ot lang na nga ti-on sang mga kalisod, sa indi magdugay inang mga malauton makasaka na gihapon sa langit? Para sa unibersalismo nga tawo magasiling hoo, ang mga ditumoloo pagasilotan na sila pero temporaryo lang— ang iban sa sina sa ila (nagapanglimpyo pa, purgatoryo, ginaulay sa kalayo kag iban pa) ang pagsilot nagdul ong sa hunahuna nga may pagkatiguriya nga matabo sa mga linuwas. Subra na ni nga pagpangangkon nga dapat halongan, pagausiaon sing ma-id-id kag pamatud an sing malig-on.

Angay gid nga igadimonstrar sang mga unibersalista kag unibersal restorationist kon paano nga maluwas ang dili tumuloo, indi pagtagudili buot silingon sang pagkawala sang mga dili matinuon. Ang Biblia naghambal sang duha ka grupo, ang pagpalibog sini sa ilang ginkatuhayan tama ka Dilikado nga punto. Ini ang pinakabantug nga

bersikulo sa biblia nga may athag nga nga pagkakatuhay sa sining duha kakatiguriya.

Kay gihigugma sang Dios ang kalibutan sabagay nga iya ginhatag ang iyang bugtong nga anak agud nga bisan sin-o nga magtoo sa Iya may kabuhing walay katapusan. Juan 3:16

Masami ang unibersalista nagademanda sa mga dili unibersalista nga pamatud-an ining tinaga nga “mawala” nagkahulugan sang pagpamatay sing bug-os. Pero amo gid bala sini ang angay ta makuha sa sining bersikulo? Ang bersikulo nagpatindug sing duha ka magkatuhay, ang itum kag puti. Ang isa kabuhing walay katapusan samtang ang isa bug-os nga pagpamatay, bangud nga ang pagpamatay sing bug-os kabaliskaran sang kabuhing dayon. Kon ini man gani temporaryo lang nga kamatayon, nyan may kabuhing dayon pa sila gihapon, kag sa sina ginbungkag ang athag nga katuhayan sang duha ka katiguriya sa amo nga dinalan. Sing dugang pa, paano bala ang tanan makaangkon sang kabuhing dayon kon ang kondisyon sang kabuhing dayon mabaton lamang paagi sa pagtoo? Kon ining duha ka grupo matuod nga indi magkatuhay kag lain sa isa kag isa, ngaa nga ang Biblia padayon nga nagapaathag sini nga punto?

Ang nakabaton sang Anak may kabuhi; ang wala makabaton sang Anak walay kabuhi. 1 Juan 5:12

Sa sining tatlo ka mga dinalan sa ibabaw, simpli nga nagapaathag sang buot silingon sang mga pulong.

1. Nagatuo= naluwas walay silot— markus 16:16
2. Pagtoo sa anak= indi silotan kundi may kabuhing dayon— juan 3:16
3. Nagbaton sa anak= may kabuhi; wala nagbaton sang anak= walay kabuhi.

Sa kada kaso ang pagtoo ginakinahanglan agud maluwas. Ang paggamit sang pulong nga “indi” naghimo sang maathag nga pagbahin sa tunga sang linuwas kag wala naluwas. Kon sulion ta ang mga ilimento sa amo nga purmyula, amo sini ang masunod:

1. Pagasilutan= wala naluwas
2. Nawala= walay kabuhing dayon
3. Wala nakabaton sang anak= walay kabuhi

Maathag kag indi simpli indi angay magsayup ang magbasa sa paghangup. May duha gid ka grupo, ang isa naluwas kag isa pagsilotan

Klaro man nga ang tawhanon nga ikasarang kulang agud pagkilalahon kon sin o ining duha ka mga grupo, tungud kay ang pagtoo indi naton makit-an. Pero tungod kay indi ta mahambal kon sin-o ang maluwas kag indi (bisan pa nga may giya kita sa paghibalo,) wala ini nagakahulugan nga walay grupo sang mga linuwas kag indi maluwas.

Sa sini dapat ang diskusyon magsugud. Dapat lang nga aton batonon nga ang pagtudlo sang Biblia nagapamatuk sa unibersalismo nga pagtudlo. Kon ining isa ka unibersalista bu-ot magkonbinsi sa iban agud mangin unibersalista, dapat anay niya pagasabton ang mga palamangkutanon sa ibabaw nga mga punto sing sistimatiko kag bug-os, sa dili pa niya ini lubugon ang mga pulong okon magpudyot sang mga dinalan sa kasulatan.

Kita magatan-aw sang mga masunod nga mga bersikulo nga masami ginagamit bilang pabor sa mga unibersalista. Himoon ko ni sa handum nga ang mga unibersalista magakonsiderar sini kag magapakigbais sa dakung larawan nga napasad sang teolohikal kag praktikal nga paathag sang sining teoriya, gamit ang kay Miller nga kasuguan sang paghubad,

indi nang pudyot tagagmay diri kag didto. Matuod nga ang mga dinalan makahuluganon sa aton nga sa paghangup sa plano sang kaluwasan.

Tanan Bala Nga Kapungsuran maluwas?

Pakamaayohon ko ang mga nagapakamaayo sa imo, kag ang mga nagapakaamalaut sa imo pakamalalauton ko; kag sa imo pakamaayohon ang tanan nga mga panimalay sang duta. Genesis 12:3

Sa ginatan-aw nga si Abraham mangin daku kag gamhanan nga pungsod, kag paagi sa iya pakamaayohon ang tanan nga mga pungsud sang duta? Genesis 18:18

Paagi “tanan nga panimalay sang duta” kag tanan nga pungsud sang duta “pagapakamaayuhon,” buot ta bala ini hangpun nga tanan nga myembro sa panimalay sang duta maluwas? Tanan pakamaayohon kag walay ginpakamalaut? Sa unang bahin sang dinalan sa Genesis 12:3 nagasugyot sing lain, bangud nga kon “tanan nga panimalay” magpakamaayo kay Abraham, ngaa abi nga nasulat nga ang bisan sin-o nga magpakamalaut sa imo siya pakamalauton? Tanan bala pakamalauton okon ang pila lang? Tanan bala nga pungud pakamalauton okon ang pila lang? Kabay nga nangin klaro ini nga ang pila lang sang membro sang mga pungsod.

Siguro naman ikaw magakumpormi man upod sa akon nga ining teksto nagatumod ini sa saad kay Abraham kag sa iyang palanublion nga kadaygan sang duta paagi kay Cristo Jesus nga amo ang binhi. Ang tanan nga pungsud makabati sang Kristo kag may kahigayonan nga pakamaayohon, pero indi na pat-ud kon bala ang amo nga mga pungsud magbaton. Si Pablo nagpaathag sini nga birsekulo:

Gani nakita ninyo nga ang tawo nga may pagtoo amo ang mga anak ni Abraham. Kag ang kasulatan nga nagatan-aw nga daan nga ang Dios nagapakamatarung sang mga gentil paagi sa pagtoo, nagwali daan sang maayong balita kay Abraham, nga nagasiling,” sa imo pakamaayuhon ang tanan nga Pungsod. “ 9. Gani niyan ang mga tawo nga may pagtoo ginapakamaayo kaupod ni Abraham nga may pagtoo. 14. Agud nga sa kay Kristo Jesus ang pagpakamaayo ni Abraham maglambot sa mga Gentil, agud nga mabaton ta ang saad sang Espiritu paagi sa pagtoo. Galasia 3:7-9,14

Paagi kay Kristo ang madamung pungsod pagapakamaayohon paagi sa pagtoo. Ang bugtong nga paagi nga ang tanan pakamaayohon kon ang tanan may pagtoo. Tanan bala may pagtoo kay Kristo? Ina indi matabo, bangud:

Kag nga maluwas kami sa balingag kag malaut nga tawo; kay indi tanan may pagtoo. 2 Tesalonica 3:2

Indi tanan nga tawo nagatoo kay Kristo; ni wala sila nagasalig sa mga saad sang Dios; dili sila buot maghinulsol; ni indi sila bout nga maglakat sa langit. Ang Dios indi gid magpamilit sa ila. Kundi madamu ang halin sa mga kapungsuran, halin sa mga panimalay (tribu, kaliwatan) ang magabaton kag pakamaayohon, kag bangud sina ang saad nga “ ang tanan nga pungsod pakamaayohon,” magapabilin nga matuod, bisan pa nga damu ang magbalibad sa pagtoo. Ang mga pagpakamaayo magaabot sa tanan nga kapungsuran. Ini nga interpretasyon nagahaum man sa duha ka klasi (linuwas kag nagkaladula) nga gintun-an indi lang nagdugay.

Sa amo man nga rason maaplay sa Bugna 21:24-26. “ kag ang pungsud” sa sini nga dinalan nagatumod sa mga tumuluo gikan sa mga kapungsuran.

Ang mga kapungsuran magalakat sa kasanag sini; Kag ang mga gawang indi na mas-a matakpan sa adlaw— kag walay gab-I didto; dalhon nila ang himaya kag dungog sang mga pungsud sa sini. Bugna 22: 24-26

Yadtong nahimong matarung paagi sa paglakat upod kay Kristo amo ang himaya kag dungug sang mga pungsud. Kabaliskaran naman sadtong mga nagalakat nga walay pagtoo, notahi ang masunod nga dinalan:

Apang walay makasulod sini nga bisan anong di matinlo, ukon nagahimo sing kangil-aran kag butig, kondi sila lamang nga nasulat sa tolon-an sang kabuhi sang Cordero. Bugna 21:27

Madamu ang indi magbaton sang saad sang Dios, kag ang Dios indi magpilit sa ila sa pagbaton. Kon sila magdumili, ang resulta amo ang pagkadili matarung, kag ining katawhan indi makasulod suno sa napulong sa Bugna 21:27

Inang mga matinuohon sa tanan nga pungsud amo ang ginasulit sulit diri:

“Tilipon kamu kag kari, palapit sing tingub, kamu nga nakapalagyo gikan sa mga pungsud! Wala sing ihibalo ang mga nagayayong sang kahoy sang ila larawan nga tinigban, kag nagapangamuyo sa dios nga indi makaluwas. Pahayag kamu kag ipaguwa ini; maglinaygayay sila!sin-o bala ang nagpahayag sini kutub sa dumaan? Indi bala ako ang Ginoo? Kag wala sing Dios luwas sa Akon, Dios nga matarung kag manluluwas;wala na gid luwas sa akon. “Tolok sa akon kag maluwas kamu, tanan nga ukbong sang duta! Kay ako ang Dios kag wala na gid sing iban. Isaias 45:20-22

Sa pagtapus sa sini nga siksyon:

8. Kag ang kasulatan nga nagatan-aw nga daan nga ang Dios nagapakamatarung sang mga gentil paagi sa pagtoo, nagwali daan sang maayong balita kay Abraham, nga nagasiling,” sa imo pakamaayuhon ang tanan nga Pungsod. “9. Gani niyan ang mga tawo nga may pagtoo ginapakamaayo kaupod ni Abraham nga matinuohon. Galasia 3:8-9

Tanan nga pungsud nga ginapakamaayo amo sila ang may pagtoo halin sa tanan nga kapungsuran

Kag nga maluwas kami sa balingag kag malaut nga tawo; kay indi tanan may pagtoo. 2 Tesalonica 3:2

Tanan nga tawo sang pagtoo indi buot silingon nga tanang tawo na.

Tanan pungsud wala nagkahulugan nga ang kada tawo sa kada pungsud amo na na.

Apollumi kag ang iyang kaundan

Isa pa kaargumento sang unibersalista nga ginhimo amo ang pulong ng “mawala” (sa griyego apollumi, G22) wala kuno nagkahulugan nga pagkalawala, okon pagpangpatay sing bug-os sa pipila ka mga birsikulo.

Kon magtu-on kita sa Griyego okon Hebreo nga mga pulong, dapat naton I konsiderar ang (sin-o/ ano ang nagahimo sina kag sa kay sin-o/ano) indi ta pwedi kuhaon lang ang kahulugan sina kag ibutang didto sa isa. Kay bisan sa English indi ta man na pwedi amohon sina. “Kon ako magsiling nga baw patay gid ko sa amon hampang sa tennis kagapon ba.” Wala to nagkahulugan nga napatay ko— buot ko lang ipahangup

nga napierdi ko sa hampang. Daw pagid sa aton pagtoon sa mga lingwahi nga wala ta mahibaloi!

May duha ka kahulogan ang pulong nga *apollumi* suno sa Thayer nga dipinasyon:

1. Sa paglaglag
 - A. Pagpapas sing bug-os, paglaglag, pagpa-untat nga sa paglaglag
 - B. Ang magmngin walay kapuslanan
 - C. Pagpamatay
 - D. Pagdiklara nga ang isa pagatapuson sa kamatayon
 - E. Metapor: paghatag sang walay katapusan nga pag-antus sa imperno
 - F. Pagpapas Paglaglag, pagbungkag, ukon pagguba

2. Pagguba
 - A. Ang buhi-an

Madamu sang mga unibersalista nga nagagamit sang Lucas 15:4 ilang halimbawa nga ang *apollumi* wala nagakahulugan nga madula sang dayon.

“sin-o bala ang tawo sa inyo nga may isa ka carnero, kon madula ang isa sa ila, nga indi magbiya sang kasiaman kag siam sa kamingawan, kag magpangita sang nadula, tubtub na makita niya ini?

Pwedi ta bala hubaron ini nga nadula bilang *napatay*? Indi, kay tama lang kalayo sa husto nga punto. Lantawa ang halimbawa sa Mateo 12:14

Apang nagowa ang mga Fariseo kag nagsinapul batok sa iya, kon paano nga malaglag nila sia?

Pwedi ta bala hubaron ini paglaglag bilang paano madula? “Ang mga pariseo nagtinguha sapagdula sa iya...” pwedi bala?pero dawano ta ka siguro nga amo gid na ang iya husto nga buot silingon? May yara bala duog nga pwedi dulaon sang tawo ang isa ka tawo? Kon wala busa ang paghangup indi man mangin am sina.

Ang konteksto sang kon paano ang pulong gingamit dapat man aton I konsidira. Pareho sina karon sang halambalanon nga “baw daw kagton ko siko ko ah.” Ang mga illonggo makahangup gid na dayon nga buot silingon; naghinulsol gid sya. Apang ang mga indi illonggo indi na makuha sang buot silingon. Daw ano pagid ang sa griyego nga pinulongan; dali gid kita masayup sa paghangup. May mga kasugo-an ini nga kinaugalingon sa paghubad sang mga pulong.

Isa sang manunulat sa Gospel, halimbawa, pirmi siya nagagamit sang pulong sa isa ka panghitabo okon idea, mangin indi maalam saaton bahin nga kuhaon ang amo nga pulong sa pareho niya nga konteksto, pero kon ipilit gid nga nga mangin amo sa isa kahigayon, magliwat— kay ang pulong sarang nga makahatag sang iban pa gid nga mga kahulugan. Halimbawa sina; kon ang isa ka tawo, nagatumud sang iyang ugangan bilang “dragon”, kag sa tagsa ka tion nga manug-abot ang iyang ugangan naga-istorya siya sa mga tawo nga “mabisita ang dragon”, mangin indi makatarunganon nga mabatian siya ginatus na ka beses sa amo nga halambalanon, tapus hangpon mo nga ang dragon nga halin sa kon diin pakpakan kag himbison kag nagabuga sang kalayo nga dragon magabot sa pagbisita. Amo man sina ang ini nga kaso. Indi ta mahangup sa lain nga paghangup magluwas nga hangup naton suno sa iyang panghunahuna. (<https://rethinkinghell.com/2012/10/27/the-meaning-of-apollumi-in-the-synoptic-gospels/>)

Busa kon aton tan-awon ang tagsa ka kaso sang tinaga nga *apollumi* bilang aktibo nga tinaga sa dii nag isa ka tawo nagahimo saisa man ka

tawo, ini pirme nagakahulogan “nagapatay” (sa KJV ginhubad bilang ‘paglaglag’). Wala gid ini nagkahulogan nga ‘nadula’ugaling patyon liwat.

Sa Mateo 2:13, gusto ni Herodes nga patyon ang bata nga si Jesus.

Sa Mateo 12:14 ang mga Pariseo naghimbon sing tingub agud sa pagpatay kay Jesus.

Sa Mateo 24:41 (storya sang malauton nga mga tulogyanan) ang tag-iya sang ulubasan nagpatay sang mga malaut nga mga tulugyanan.

Mateo 27:20 ang mga tigulang kag punoan sang mga sacerdote nagsugyot sang mga tawo pagbuhi kayy Barabas kag si Jesus patyon.

Sa Marcus 3:6 ang mga Pariseo nagsiod ay Jesus.

Sa Marcus 9:22 ang ginikanan sag baang lalaki nga nasudlan sang malaut nga Espiritu nagsugid kay Jesus nga ang espiritu masami nga nagahaboy sa bata sa tubig ukon sa kalayo sa pagtinguha nga patyon ini.

Sa Lucas 6:9, si Jesus nagpamangkot kon bala makatarunganon bala sa adlaw sang inugpahuway ang pagluwas sang kabuhi ukon ang pagpatay?

Wala gid sa sini nga mga kaso ang nagakahulogan nga dulaon kag may paglaum pa nga makitta kag iuli ini. Ang mga Pariseo wala maghimbon batok kay Jesus agud dulaon kag iuli lang liwat. Si Herodes bala nagtinguha sa “pagkuha sang iyang kabuhi” sa paagi nga mapabalik lang liwat? Indi amo sina. Gusto ni Herodes ang kamatayon para kay Jesus.

Sa dugang, wala kita nagasiling nga “nalaglag” nga sinsilyo okon “ginpatay” nga sinsilyo sa parabola sang sinsilyo nga nadula, bangud kay

ang storya mathag nga ang sinsilyo nadula, indi pataay. Busa aton I asyumer nga ang ikaduha nga kahulugan sang *pollumi* diri, sa diin ginhubad sang manugbadbad bilang “nadula” nga sinsilyo, indi patay nga sinsilyo.

Ang konteksto nga gingamitan sang tinga nga *apollumi* nga karnero (nadula nga karnero) lain sang sa tawo, kay kon pasundan ta ang amo nga dipinasyon magkaproblema kita. Sa kaso naman sang mausikon nga anak, mas maayo bala nga isiling ta nga ‘ Siya nalaglag, okon napatay kag kag nagbalik’? Siguuro sa sumbingay mahangpan pero sa literal kag praktikal nga pamatyagan ang patay indi na makapangayo bulig ka makonsidera nga ‘nakita okon ‘nagbalik’ —ang patay wala na nagapakigsugilanon. Amo na nga ginhubad ining mga parabola sang nadula nga sinsilyo, ang bata nga mausikon bilang ‘nadula’ kag indi bilang ginlaglag okon ginpatay.

Maid-id nga Pagtan-aw sa Kalaglagan

Paagi sini ang kalibutan nga sadto anay ginlapawan sang tubig kag nawala... (2 Pedro 3:6)

Sa sini nga bersikulo ang tinaga nga “nawala” amo ang ginabaisan, nga ang “nawala” nga tinaga wala nagakahulogan nga nadula sing dayon— kay si Noe kag ang iyang panimalay nagpadayon kag napasag-uli. Apang ano gid bala ang kahulogan sang “kalibutan” sa sini nga dinalan? Ang Thayer nga diksyunaryo nagsiling nga ang kalibutan nagkahulogan sang “ ang mga pumuluyo sang duta” kag ang “tanang nga kaayohan kag kabugaan sini, manggad, kalipay’ kag iban pa. Ginkuha ko ini nga dinalan nga magkahulogan ang duta wala nawala, apang ang mga tawo kag ang ilang mga handm kag mga manggad kag kalalipayan nawala. Ang among

antideluvian nga cibiisasyon wala na gid mabag-o. Indi naton ipilit diri sa sini nga dinalan nga bangud lang kay ang kalibutan nagpadayon sa pagmintinar sang kabuhi paagi sa panimalay ni Noe; ang tanan nga rasa sang antidiluvian mabag -o na kag maluwas man.

Ang iban nga universalist nagsiling nga ag *apollumi* wala nagatumod sa kamatayon nga dayon, kundi sa pisikal nga kamatayon lang. Apang ano nga tipo sang kamatayon ang gintumud sa Juan 3:16?

Kay ginahigugma sang Dios ang kalibutan sabagay nga. Iya ginhatag ang Iyang bugtng nga anak agud nga ang bisan sin-o nga magtoo sa Iya indi mawala (*apollumi*) kundi may kabuhing walay katapusan. (Juan 3:16)

Sa sini nga bersikulo, ang *apollumi* bala nagatumod sang pisikal nga kamatayon? Indi, bangud kay madamu ang magatoo kay Kristo nga yara sa lulubngan tubtub karon. Ang mga disipulo nagtoo kay Kristo, apang pisikal nga patay sila. Kon wala sila napatay sa pisikal nga kamatayon kuntani nagdiritso na sila sa langit nga wala naatay lawasnon. Kay kon wala man lang ang kamatayon lawasnon. Busa ang *apollumi* sa Juan 3:16 nagatumod ini sa ikaduha nga kamatayon sa katapusan sang 1000 ka mga tuig matapus ang nahaunang pagkabanhaw sang mga balaan.

Apang sa mga matalaw, ang dimatinuohon, ang nadagtaan, sa mga manugpatay, mga manugbabaylan, mga diwatahan, kag ang tanan nga butigon, ang ila bahin mangin sa linaw nga nagadabdab sing kalayo kag asufre, nga amo ang ikaduhang kamatayon. Bugna 21:8

Juan 3:16nagsiling nga yadtong magtoo sa Dios kag sa Iyang Anak dili magadawat sang kamatayon nga dayon kundi kinabuhing dayon.

Paghinulsol sa tapus sang kamatayon?

Ayhan ang mga universalist magasiling hoo, dapat nga may pagtoo ka agud magsalig. Pero sagihapon ang baisan amo ga ini matabo sa tapus nga ang tawo mapatay. Ang mga malauton nga mabanhawmahimo nga maghinulsol, magtoo kag mapasag-uli saDios. Sa pagkamatuud amo ini ang ginatoohan sang mga universalist, bangd ang Dios magapakita sang Iyang kabug-osan sang Iyang gugma kag ini magaduso sa mga malauton sa paghinulsol.

Ini amo ang ginapatihan sang kadamuan, pero wal pa gid ako sang may naki- an nga ebedinsya sini. Para saakon tama ini ka daku nga pagkadili-responsabli nga tawo ang maghatag sang paglaum nga sila maghinulsol lang kon sila mabanhaw gikan sa kamatayon. Samtang ang Ginoo naghatag sa aton sang tion sa pagbag-o samtang nga kita nagakabuhi a karon nga pang-on sa dili pa kita mapatay, kag ugaling pagatawagong paibabaw para sa nahaunang pagkabanhawpara sa mga balaan. Akon lang bala pasaligon akon kaugalingon nga maangkon ko ang kabuhing dayo bisan pa nga mabanhaw ako sa “pagkabanhaw sang malauton bisan pa nga indi amo sini ang siling sang kasulatan?”

Ang mga universaist dapat magpaathag kon paano/ san-o/ ngaa/ kag sa diin ang mga tawo mapasag-uli sa Dios matapus nga sila mapatay. Ano ang mga teksto sa Biblia? Sa diin makita sa Biblia nga kita makahinulsol ka makatalikod gikan sa pagpakasala kag makahimo sa pagbuhat sang maayo sa tapus sang kamatayon? Sa baylo nga makakita aako sing mga texto nga magasiling nga ang malauton tubuson, labi nga maathag ang mga dinlan nagasiling nga ang mga malauton mapatay:

Pero makahaladluk ang dangatan sang mga tawo nga nahadluk magsunod sa akon, mga wala nagatuo sa akon, mga nagahimo sang malaw-ay nga mga butang, mga manugpatay, mga

nagahimo sang imoral nga pagpakigrelasyon, mga manugbabaylan, mga nagasimba sa mga dios-dios, kag ang tanan nga nga butigon. Ang lugar nga pra sa ila amo ang dagat nga naadabadaba sang kalayo nga may asupre. Amo ina ang ginatawag nga ikaduha nga kamatayon.” Bugna 21:8

Kon ang Biblia magsiling nga sila pagasunogon nga sa ikaduhang kamatayon; dapat pa bala kita maga siling nga ini pagproseso lamang sa ila padulong sa kabuhing walay katapusan? Indi bala dayon nga kamatayon?

Ano pa gid ang itagbong sa linaw nga kalayo?

Pagkatapos, ang kamatayon mismo kag ang lugar sang mga patay ginhaboy sa dagat nga kalayo. Amo ini ang ginatawag nga ikaduha nga kamatayon. Bugna 20:14

Busa bisan pa ang kamatayon sa iyang kaugaingon matapus man, igatagbong sa linaw nga kalayo agud nga ini maalambot sa iyang katapusan. Kon ang ikduhang kamatayon proseso nga pagagamiton sang Dios sa pagputli kag agud nga liwat ang malauton mapabalik sa Iya, indi bala dapat man nga pati ang kamatayon ibalik man? Magpabilin pabala ang kamatayon kon walaon na ang sala?

Pwedi bala nga magpabilin ang kamatayon samtang ihatag ang kabuhing walay katapusan? Indi, indi gid na magsilbi. Ang kamatayon dayon nga mawala tungod kay ang kabuhing dayon ang magbulos.

Dugang pa, ining masunod nga mga dinalan nagapaathag nga ang aton kabuhi subun amo ang tion sa paghimo sang disison, indi kay sa palaabuton pa:

Kag kasubung sa na pat-ud sa tawo sia sing makaisa mapatay, kag pagkatapos hukman na siya sang Dios. Hebreo 9:27

Ini nga bersikulo kaangay bala nga nagasiling nga sa subung magdisisyon na taa sa aaton kabuhi. Ang kaluwasan libri nga aton dapat baton; kay ini may kondisyon. Ang saad kabuhing dayon nga dapat batonon okon isikway. Kay kon wala lang ma sang kinahanglan nga pagpilian ngaa abi iwali pa ang maayong balita sang kauwasan sa tanan?

Dayon nagsiling si Jesus sa ila, “**Lakat kamo** sa bug-os nga kalibutan kag **iwali ang Maayong Balita sa tanan nga tawo**. 16 Ang bisan sin-o nga magtuo kag magpabautiso maluwas, pero ang indi magtuo pagasilutan. Markus 16:15-16

Ang Dios naghatag sa aton kahilwayan nga indi magtoo, nga sa sina ginutod ta ang aton kaugalingon gikan sa sa tuburan sang kabuhi. Ginhatagan sang Dios ang tanan sang nagakaigo nga tion kag patas nga kahayonan agud nga kita makahimo sang mga disisyon sa sini nga kabuhi. Ngaa nga may amo sining mga dinalan nga kondisyonal, nga kon ang tanan maluwas man lang? Indi bala makapa haw-ang lang sa mensai sang kamatuoran nga aton ginawali kag ginatindugan?

Tuohi kag ikaw maluwas; okon indi magtoo kag ikaw maluwas sa gihapo bangud kay wala na sang katagudilian. Indi amo sini ang nasulat sa texto di bala? Ang mga disipulo indi magbuhis sang ila mga kabuhi sa butang nga walay kapuslanan lamang— sila nagpangwali bangud nga ilang nakita nga ang palaabuton sang mga kalag yara sa timbangan.

Sang si Pablo nagsiling sa mga di tumuloo nga mga Judeo, nagpahangup bala sia nga yadtong “naghukom sang iyang kaugalingon nga indi takus sa kabuhing dayon” magakabuhi upod kay Kristo sa wlay katapusan?

Pero nag-isog pa gid si Pablo kag si Bernabe. Nagsiling sila sa mga Judio, “Kinahanglan gid nga iwali anay sa inyo nga mga

Judio ang pulong sang Dios. Pero tungod kay ginasikway ninyo siya, nagapakilala lang ina nga kamo indi bagay nga hatagan sang kabuhi nga wala sing katapusan. Gani halin subong, sa mga indi Judio na kami mawali sang Maayong Balita. Acts 13:46

Indi bala maayong balita ini nga “ang tanan magakadto sa langit, dalayawon ang Ginoo! Himo maayo karon, agud indi mangin mabudlay sa imo ang pagsulod sa ginharian sang langit!” Indi, kundi amo sini “hinulsol, ‘kay ang bayad sang sala kamatayon, apang ang bunayag nga dulot sang Dios kabuhing walay katapusan kay Kristo Jesus nga aton Ginoo.” (Roma 6:23) may kinamatarung kita nga indi batonon ang bunayag nga dulot sang Dios. Ang tanan gid bala buut magpuyo sa langit? Sa iban nga mga relihiyon kaangay sang Buddhism, ang pagpamatay isa ka lalambuton (ginatawag ini nga Nirvana), indi kay kabuhing dayon (talupangda ang samsara, kamatayon kag pagkatawo liwat). Dili bala naton tgutan nga magdisisyon sila?

Apang ang unibersalista nagpahayag nga ang kalayo sa katapusan sang panag-on magapasag-uli sang tawo pabalik sa Dios kag makapabinagbinag sa ila sang ila mga sayup nga dalanon, bisan ano pa man sila ka sukwahi sa Dios kag bisan pa nga indi sila namian magsimba sa Iya ukon magkabuhi upod sa Dios. Paano ta mahibaloan ini? Sa diin makita sa Biblia nga nagahambal sing kaangay sini?dugang pa, paano naton mawali ini? “Mahimo nga buut ka sang pagkalamatay; mahimo nga akig ka sa Dios; apang sa panahon sang kalayo sang Diosnong gugma sa katapusa sang kapanahonan mabinagbinag mo nga ikaw makasasala kag nagakinahanglan sang kaluwasan; mabag-o gid ang imo hunahuna kag niyan batonon mo ang dulot nga kabuhing walay katapusan.”

Unibersal nga pagpasag-ul nagatudlo sa aton nga ang kalayo magasakit sa mga malauton, magapaputli sa aton, nga mangin tunaan sang pagbag-o sang aton tagipusoon. Indi ta bala pagkabigon ini bilang

pagpa-antus? Nga ang Dios maggamit sang kalayo agud sa pagsakit sa aton tubtub nga aton mabaton Sia?

Ini nagahatag sang panghunahuna nga ang kabug-osan sang kapahayagan sang kinaiyahan sang Dios kag sang Iyang himaya magapalisong sang makasasala. Paano ta mabatas ini nga asyumer, kon ang tanan nga mga ibedensya sa Biblia nagasugid nga ang tagsa ka tawo nga makakita sang presensya sang Dios, nagaplanago sa kahadluk, okon nagakatumba subung nga patay? Kon ang pagpasag-uli amo man lang sina kasimpli nga magpakita lang ang Dios sang Iyang himaya sa aton, ang tawhanon rasa wala na kuntani nagakinahanglan nga mag-agi pa sa amo sini kainanay tikngtikang nga proseso sa pagkilala sa Dios sa 6000 na ka mga tuig. Sa aktwalidad, ang presensya sang Dios kalayo nga nagapapas sa aton; ang pag-asyumer nga kita mabuhi tama lang ina ka layo kag sukwahi gid sa ko nano ang ginatudlo sa kasulatan.

Pero indi mo makita ang akon nawong kay wala sing tawo nga makakita sa akon nga mabuhi.” Exodus 33:20

Ang mga tawo nga dayaan kag butigon indi makatiner sa akon palasyo Salmo 101:7

Paano kuno ta sina mabuhi abi? Paagi gid lang sa Anaksang Dios, ang bugtong nga alagyan pakadto sa Amay!

Nagsiling ang tawo nga gin-ayo. “Ang tawo nga nag-ayo sa akon amo ang nagsiling sa akon nga dal-on ko ang akon banig kag maglakat.” 12 Gani ginpamangkot nila siya kon sin-o bala nga tawo ang nagsugo sa iya nga magdala sang iya banig kag maglakat. 13 Pero wala siya makakilala kon sin-o ang nag-ayo sa iya, kay nadula man lang si Jesus tungod sa kadamuon sang mga tawo. Juan 5:11-13

Ang tanan bala may yara Anak sang Dios? Dapat bala nga itudlo nga yadtong nagakaakig sa Dios, sa Iyang mga kasugoan, sa Iyang mga kamatuuran, sa Iyang bugtong nga Anak, kag magpadayon lang nga magpakasala kag magmalauton, kay mabaton gid ang kabuhing dayon? Tama lang bala ini sang sa pulong sang Dios sa amo nga bersikulo? Nga ang tanan may anak na sang Dios kag kabuhi, bisan ano pa man ang ila buhaton, bisan pa nga tinguhaan nila nga mawala ang anak kag kag mawala ang kabuhi? Liwat, indi ala kaladlawan lang ang tanan nga ginbuhat sang Dios agud lang nga kita maluwas? Ang Dios naghatag sa aton sang kahilwayan sa pagpili nga magtoo okon indi. Okon ngaa nga may bersikulo nga kaangay sini, nga nagasiling nga posibli gid nga magmangin walay anak:

Ang nagapanginwala sang Anak wala sa iya ang Amay, pero ang nagakilala sang Anak ara sa iya ang Amay. 1 Juan 2:23

Kabuhing dayon isa ka palanublion

Sa pagsunod sa Kasugoan ni Miller nagakahulugan sang pagkainangtanay sang tanan nga mga bersikulo nga may kaangtanang sa mga dinalan sa kabuhing dayon. Indi pwedi nga tan-awon ta lang ang tinaga nga kalaglagaan kag maghatag na dayon sang aton konklusyon. Ang katawhan indi lang nga makalikaw agud indi malaglag kundi kinahanglan nga makapanubli sang kabuhing dayon. Ang tanan bala magapanubli sang kabuhing dayon? Ini bala hatag para sa tanan?

Kag ang isa ka manugdumala nagpamangkot sa iya, “manunudlo nga maayo, ano bala ang akon himoon sa pagpanubli sang kabuhi nga walay katapusan?” Lukas 18:18

Ini balang pamatan-on nga manugdumala nag-asyumer na makapanubli sia sang kabuhing dayon? Si Jesus bala nagsabat lang dayon sa iya nga nagasiling, “ ang tanan magapanubli sag kabuhing walay katapusan, apang ang iban dapat nga ulayon labaw sang sa iban? Indi, si Jesus nagsabat sa pamatan-on:

Nahibaloan mo ang mga sogo: dili magpanglahi, dili magpaty, dili magpangawat, dili magsaksi sing di matuud, tahora ang imo amay kag iloy.” Lukas 18:20

Kinahanglan ta nga sundon ang kasugoan sang Dios, magmangin matarung suno sa kasugoan, sa amo mahimo lamang naton paagi kay Jesu- Kristo. Kon kita dili matarung kag walay Kristo, wala paglaum kita nga makabaton sang kabuhing dayon.

27. Suno sa iya plano, gusto niya nga kita subong makahibalo na kon ano katahom sang iya plano nga gintigana niya para sa tanan nga lahi sang tawo. Kag ina nga tinago nga plano amo nga si Cristo mangin ara sa inyo. Kag tungod nga si Cristo ara na sa inyo, may paglaom kamo nga mangin matahom gid ang inyo kahimtangan sa palaabuton. Colosas 1:27

7. agod paagi sa iya bugay nga nagpakamatarong sa aton, maangkon naton ang kabuhi nga wala sing katapusan nga amo ang aton ginalauman. Tito 3:7

Ang tanan balamga manunubli nadaan pa? Suno sa Colosas 1:2, kita nagkinahanglan kay Kristo agud nga may paglaum kita, niyan kita mangin Iyang manunubli. Si Pablo man nagpamulong sang mga polong nga maathag nga nagapaandamsa aton nga indi kita magpadaya nga sa paghunahuna nga ang tanan nga tawo magapanubli sang kabuhing walay katapusan:

9. Indi bala nga ang tawo nga nagahimo sang malaot indi masakop sa paghari sang Dios? Gani indi ninyo pagdayai ang inyo kaugalingon! Kay indi gid masakop sa paghari sang Dios ang mga nagahimo sang imoral nga pagpakigrelasyon, ang mga nagasimba sa mga dios-dios, ang mga nagapanginbabayi kag mga nagapanginlalaki, ang mga lalaki nga nagabaligya sang ila lawas, ang mga lalaki nga nagauluasawa sa pareho nila nga lalaki, 10. ang mga kawatan, ang mga dalok-dalok, ang mga palahubog, ang mga nagahambal sang malain kontra sa iya isigkatawo, kag ang mga tulisan. 11. Ang iban sa inyo pareho sini sang una. Pero natinluan na kamo sa inyo mga sala, ginpain na kamo sang Dios nga mangin iya, kag ginpakamatarong na kamo tungod kay Ginoong Jesu-Cristo kag tungod sa Espiritu sang aton Dios. 1 Corinto 6:9-11

Tubtub nga mabaton nila si Kristo, ang iban sa Corinto dili makapanubli sang ginharian sang Dios. “ ang iban sa inyo” — madamu sa ila nga sadto mga malaut kag indi makasulod sa kabuhing dayon, pero nahugasan, ginbalaan, ginpakamatarung. Posibli nga indi sila makabaton sang ginharian sng Dios. Ang pagkamataarung kag pagkabalaan mga proseso nga. Dapat agihon sang mga tawo sa sining kabuhi agud nga mangin bug-os ang pagkabalaan.

11. Gusto namon nga ang kada isa sa inyo magpadayon nga matutom sa inyo paglaom sa Dios hasta sa katapusan, agod mabaton ninyo ang inyo ginalauman. 12. Indi kamo magtinamad, kundi sunda ninyo ang mga tawo nga paagi sa ila pagtuo kag pagkamaintuson nagabaton sang mga promisa sang Dios. Hebreo 6:11-12

Ini magmapuslanon nga mga saad, lamang nga magpadayon kita nga mga “sumulunod nila paagi sa pagtoo kag pagpailob sa pagpanubli sa saad.” Ni tama ka importante nga kita magmaukod saaton pagtoo; indi lang nga naga-asyumer nga makapanubli kita sang kabuhing ayon tungud ang tanan magapanubli man.

Bisan pa sa katapusan sang tagna ni Juan ya ginathag nga may duha ka grupo:

7. “Kamo nga nagapamati, dapat intiendihon gid ninyo ang ginasiling sang Espiritu Santo sa mga iglesya. “Ang mga mandadaog tugutan ko nga magkaon sang bunga sang kahoy nga nagahatag sang kabuhi, kag ina nga kahoy didto sa Paraiso sang Dios.” 8. Ang Sulat para sa Smirna “Isulat mo ini para sa anghel nga nagabantay sa iglesya sa Smirna: Amo ini ang ginasiling niya nga amo ang ginsuguran kag ang katapusan sang tanan, nga napatay pero nabuhi liwat: Bugna 2:7-8

Ang isa ka grupo, dili matinuohon, napun-an sang kahadluk, manugpatay, makihilawason, kag iban pa, sila indi “ makapanubli sang tanan nga butang.” Yadtong magapanubli sang tanan butang amo yadto ang mga “mandadaug”. Nagdaug sa sining kabuhi indi kay sa palaabuton nga panahon.

Pagapadungan sang Dios ang aton mga paghukom nga nahimo sa sining kabuhi naton karon. ‘Subung ikaw naghukom, ikaw hukman,’ kag ang Dios indi magsuli sang imong paghukom. Sia bala magagamit sinang espirituhanon nga kalayo sa katapusan sang panahon agud nga mapwersa kita sa pagbaylo sang aton paghukom? Di bala nagasukwahi ini sa kon ano ang sa kasulatan?

11. Ang mga malain magahimo pa gid sang malain, kag ang mga mahigko sing hunahuna magapadayon pa gid sa ila mahigko nga mga hunahuna. Pero ang mga tawo nga matarong kag matinlo ang ila kabuhi magapadayon gihapon sa paghimo sang maayo.” Bugna 22:11

Ang unibersal restorationismo nagatudlo nga ang kalayo magalimpyo sa kon anoang mga higko kag dli matarung kag iya ining pagatinloan kag pakamtarungan. Apang sukwahi ini sa ko nano ang nasulat nga ang

moral nga karakter sang tawo diri plang sa sini nga kabuhi na ditirminar na, kag mangin amo na ina sa iyang pagkabanhaw.

Ang Libro sang Kabuhi

Sa katapusan ang Biblia nagtapus asa sini nga dinalan:

27. Pero indi makasulod didto ang bisan ano nga indi matinlo sa panulok sang Dios, ang bisan sin-o nga nagahimo sing makahuluya nga mga buhat, kag ang mga butigon. Ang makasulod lang didto amo ang mga tawo nga ang ila ngalan nakasulat sa libro sang Karnero, nga listahan sang mga nakaangkon sang kabuhi nga wala sing katapusan. Bugna 21:27

Ang tanan bala nasulat ang ngalan sa libro sang kabuhi?

5. Ang mga mandadaog pabayuan sing puti, kag indi ko pagpanason ang ila mga ngalan sa libro nga listahan sang mga nakaangkon sang kabuhi nga wala sing katapusan. Ipakilala ko sila sa akon Amay kag sa iya mga anghel nga sila akon mga katawhan. Bugna 3:5

Sila lang nga nagdaug amo ang nasulat sa libro sang kabuhi. May mga tawo pa bala nga magdaug samtang nga sila ginasunog sa ispirituhanon nga kalayo sa adlaw sang paghukom? Kon ina man gani matabu nyan, indi tani na nagakatabo karon, kay ang pagdaug sang kabuhi mangin walay kahulugan. Pagdaug nagakahulogan nga mga may posibilidad nga indi makadaug, pero ang universal restoration nagapat-ud nga tanan magadaug. Ini nga idea magabungkag sa sini nga bersikulo kag sa iban pa.

Ang unibesalismo nagaplastar man sang konsepto nga ang libro sang kabuhi walay kapuslanan. Ngaa abi istoryahan pa ang libro sang kabuhi kon ang tanan maluwas man lang? Ngaamagkalipay ang mga disipulo nga ang ila mga ngalan nasulat sa libro sa langit kon ang tanan nga ngalan nasulat man lang gali didto sa langit?

20. Pero indi kamo magkalipay tungod nga ang malaot nga mga espiritu nagtuman sa inyo, kundi magkalipay kamo tungod nga ang inyo ngalan nasulat na didto sa langit."Lukas 10:20

Kita nakahibalo nga indi tanan nga ngalan masulat sa libro sa langit:

8. Ang ini nga sapat simbahan sang tanan nga tawo sa kalibutan nga ang ila ngalan wala sa libro nga listahan sang mga nakaangkon sang kabuhi nga wala sing katapusan. Sang wala pa matuga ang kalibutan, ang ngalan sang sini nga mga tawo wala nga daan masulat sa sina nga libro nga ginauyatan sang Karnero nga ginpatay. Bugna 13:8

Yadtong magsimba sa sapat wala masulat ang ila ngalan sa libro sang kabuhi. Ang ila bala ngalan isulat sa libro sa kaulihan nga punto? Sa diin ina mabasa?

Kag ang bisan sin-o nga ang iya ngalan wala sa libro nga listahan sang mga nakaangkon sang kabuhi nga wala sing katapusan ginhaboy sa dagat nga kalayo. Amo ini ang ginatawag nga ikaduha nga kamatayon. Bugna 20:15.

Paano ang linaw nga kalayo magalimpyo sa ila agud nga gilayon masulat ila ngalan sa libro sang kabuhi? Daw sa sini lang gid abi nga teksto kag sa iban wala na masulat didto.

Sa katapusan, may iban pa bala nga kahulugan ini nga teksto kon ang tanan masulat man lang gali sa libro sang kabuhi?

19. Kag ang magbuhin sa mga ginasiling sang sini nga libro, kuhaon sang Dios ang iya parte sa ginsambit diri nga bunga sang kahoy nga nagahatag sang kabuhi. Kag indi siya pagpasudlon sa Balaan nga Siyudad nga nasambit man sa sini nga libro. Bugna 22 :19

Sa linaw nga kalayo una nga mabati-an ang kamatuuran?

Ano naman ang mga hunahuna nga may mga tawo pa nga wala nakahigayon magpamati sang kamatuuran sa sini nga kabuhi kag patas lang nga ang Dios maghatag sa ila sang ikaduha nga higayon?

Ang Dios naghatag sang kapawa sa tagsa ka tawo sa sini nga kalibutan

9. Si Jesu-Cristo amo ang matuod nga suga nga nag-abot diri sa kalibutan kag nagapasanag sa hunahuna sang tanan nga tawo. Juan 1:9

Ang Ispiritu sang Dios magapatalupangud sa tagsa katawo sa sini nga kalibutan sa tatlo ka butang:

8. Kag kon mag-abot na siya diri sa kalibutan ipakita niya sa mga tawo nga sila mga makasasala kag ako amo ang matarong. Kag ipakita man niya nga ang Dios magasentensya sa ila. Juan 16:8

Ang Espiritu sang Dios magapatalupangud sa kalibutan, ang buut silingotanan nga yari sa sini nga kalibutan, sang sala kag sang pagkamatarung, kag paghukom. Yadton magsabat sa ispritu amo ang

una nga magkalabanhaw. Apang yadtong magsikway sa pagpatalupangud sang ispiritu sang Dios sa ikaduhang pagkabanhaw., ipahayag ang tanan nilang kaakig sa sa Dios kag sa Iyang kamaturan., kag sila magakawala idalum sa kabug-at sang ilang kaugalingon nga sala samtang nga yara sila sa atubangan sa presensya sang aton mahigugmaon nga Amay.

28. Indi kamo matingala sa sini nga mga butang, kay magabot ang tion nga ang tanan nga patay makabati sang akon pulong, 29. kag magaguwa sila sa ila lulubngan. Ang mga tawo nga naghimo sing maayo banhawon kag hatagan sing kabuhi nga wala sing katapusan, kag ang mga tawo nga naghimo sing malain banhawon man pero silutan.” Juan 5:28-29

May yara madamu nga wala makabati sa ngalan ni Kristo kag wala pa nagasabat sa pagpatalupanguds sang ispiritu sang Dios kag magsunud sa tingug nga nagapakig-istorya paagi sa konsensya.

14. Ang mga indi Judio wala kahibalo sang Kasuguan ni Moises. Pero kon ginahimo nila ang nasulat sa Kasuguan, nagapakita lang nga bisan wala sila kahibalo sang Kasuguan, nahibaluan nila kon ano ang husto nga himuon. 15. Ang ila ginahimo nga maayo nagapakita nga ang ginatudlo sang Kasuguan ara sa ila tagipusuon. Ang ila konsensya makapamatuod sini, kay kon kaisa ang ila konsensya nagasiling nga sala ang ila ginahimo kag kon kaisa nagasiling man nga husto ang ila ginahimo. 16. Kag suno sa Maayong Balita nga akon ginatudlo, ina ipadumdom sa ila ni Jesu-Cristo sa adlaw nga siya pahukmon sang Dios sa tanan nga tawo. Hukman niya ang tanan nila nga mga tinago sa ila hunahuna. Roma 2:14-16

Ang tagsa ka tawo sa sini nga kalibutan, ginahikot sang balaan nga ispiritu nga magbatyag nga nakasala sa ilang mga konsensya kag magapakilala sa ila sa pagkamatrung kag paghimo sing katarungan; kay

may yara nga talaksan sa ko nano ang matarung okon sayup basi sa paghukom. Ini nagakahulugan nga ang tags akatawo nakaangkon sang higayon na makilala ang kamatuuran kag ang tanan walay ikarason nga maglapas.

19. Kay sarang nila kuntani mahibaluan ang parte sa Dios tungod nga ginpakita ini sang Dios sa ila. 20. Matuod nga indi ta makita ang Dios, pero halin pa sang pagtuga sang kalibutan, ang iya wala katapusan nga gahom kag pagka-Dios napahayag na paagi sa mga butang nga iya gintuga. Gani wala sila sang may ibalibad nga wala sila nakahibalo nga may Dios. Roma 1:19-20.

Ini bangud nga ang langit nagdiklara sang Diosnong himaya, kag paagi sa ispiritu sang Dios ang tawhanong hunahuna makahangup sa maayo kag malaut. Ang tags aka tawo macondinar okon mahilway kon mag abot na ang tion nga magtindug sa katapusan nga paghukom

Testimoniya sang mga nauna

Ang mga nauna may yara man mga argumento batok sa unibersalismo okon unibersal restoration kag ina ang akon ipaambit sa inyo.

Gikan sa handuman ni William Miller by Sylvester Bliss:

“Kasubung nga matarung sa pulong sang Dios, saligi ini, ang unibersal nga kluwasan indi ina matuud. Amo bala ini ang nakita niDavid, sang nakita niya ang katapusan sang mga malauton? Sulod sa santuaryo sang Dios suno saimo konsensya, akon utod, kag makita mo ‘indi’, ang diklarasyon maathag. ‘Panginguhai. Nga makasulod sa masigpit ngagawag; kay madamu ang magatinguha nga makasulod, kag indi

makasulod.' Lantawa sa Daniel 12:9-10— diri ang katapusan ginlaragway. Ano ang siling sang konsensya? Maghalung, akon utod; dumduma ang walay katapusan nga konsekuensya nga nasandig sa imo disisyon; anoang imo sabat? 'Madamu (indi tanan) ang maputl, mapatinlo, matilawan, apang ang malauton magmalauton na gid; kag walay malauton nga makahangup.' Lantawa ang Malaquias 4:1-3diin ang mga malauton? Ang mga bugalon, kag ang tanan nga nagahimo sang kalaautan? Sila bala nagmalipayon sa kaayohan nga silak sang Adlaw sang pagkamatarung? {1853 SB, MWM109.5}

Indi, 'sa liwat, sa Mateo 13:49-50. Ang mga malauton bala ginpahanugotan nga magpuyo upod sa mga matarung?ang langit bala kag ang kalipay amo ang ilang poluy anan? Indi. Indi. Liwat, sa Mateo 25:12,30 kag 46. Ang mga buangbuang nga mga ulay nga babayi nakasulod bala sa salosalong sa kasal? Okon nakasal ayhan sila sa Cordero?wala. Sa indi mapuslanon nga alagad sarang bala makapuyo sa 'kapawa sa himaya?' Wala! Wala! Kag ang mga kanding bal makapangalipay upod sa karnero? Okon makapanubli sila sang kabuhing dayon? Wala! Wala! Wala! Basaha liwat ang Roma 1:18- 2:5. Mangin indi bala makatarunganon ang Dios tungod sa pagkondinar sang mga karakter nga ginlaragway? Sa imong paghukom magasiling nga INDI. Ang imong konsensya magasabt man nga INDI. Ang imong dila isa kaadlaw magasabat man nga INDI! Kay ang tagsa ka dila dapat kag magsugid sang himaya sang Dios. Oh! Akon abyan, sulod sa santuarya kag magpanuktok samtang mabuksan pa ang pweratahan; pangita samtang makita pa sya; lantaw sya samtang buhi kapa; kag masiguro mo nga mahibaloan an 'ilang katapusan.' Tanan nga mga maayong ason sang unibersalista idalum sa kahawaan sang langit indi makaluwassang kalag. 'Magluwas nga ang tawo matawo liwat sa ispiritu dili makasulod sa ginharian sang Dios.'" {1853 SB, MWM 110.1}

Charles Fitch

Pero, siling sang iban naton nga mga pinalangga nga mga kauturan, dapat may yaragid daku nga kadam-an ang maluwas. Ang maayong balita dapat gid nga magdaug sa ind madugay, agud to nga malabawan ang kadamuon sang mga indi maluwas, kag sila nagahunahuna sina bangud sa wala tupong ng kaalwan sang Dios. Kag bangud siniang mga unibersalista sa patag sang Diosnong kaalwan nga dili matupongan, ginkuha nila ini bilang kasigurohan nga ang tanan maluwas. Apang isa lang 'siling sang Ginoo' nga takos sa sini nga rason. Siling ni Ginoong Jesus, "sulod kamu sa matadlong kag makitid nga dalan ; ang masangkad padulong sa kalaglagan kag madamaang nagaagi sini.. bangud ang matadlong kag makitid nga dalan pakadt sa kabuhi, kag dyotay lang ang nakatultol sini." Sa sini kita maka diklara upod sa Iya nga wala nagabutig. , nga madamu ang malaglag , kag dyutay lang ang makakita sang kabuhi. Sadiin ta abi dampi sa ibutang ang kamut agud nga mabayaw ang Diosnong kaalwan? Pagi bala sa pagsiling nga dyutay lang ang malaglag kag damu ang maluwas agud lang gid nga mapamatud an ang kaayosang Dios? Amo man sina nga ang ginatinguhaan sang mga unibersalista sa ila pagtukod sang doctrina sang unibersalismo.pero ang tanan nga kaangay sina magakapukan kag mangin kaangay sang wala napasad nga palanan-awon, indi pagbiyai nga may lamat nga sa kagulub-an;" samtang ang pulong ni Cristo magapabilin nga kamatuuran sa walay katapusan," madamu ang malagag, dyutay lang ang makakita sang kinabuhi." Indi maubosan ang Dios sang pamaagi agud nga ang Iyang ngalan kag kaalwan mapamatud-an, kon ang Iyang mga pulong sa sini suheto masapwan nga matuud gid. {1842 CF, GGE 18.1}

Josiah Litch

"Kag kon si Jesus magapahayag, kalag kag lawas, kalag kag lawas, magadala sang mahimayaon nga panagway." " apang yadtong sukob sang harina,(person) nga wala makabaton sang iyang ispiritu, walay kabuhi sa ila; mangin walay paglaum sila sa himaya. (Mateo 13:33, Lukas 13:21) manugbalasa, yara na bala sa imo nagapuyo ang Iyang

Ispiritu Santo? Usisaa ang imo kaugalingon kon bala yara ka pa sa pagtoo. Si Cristo yara sa imo magluwas lang kon ikaw ind matuud nga Iya. Pero kon ang tatlo ka sukub nga harian nagakahulogan sang bilog nga kalibutan, nyan ang tanan nga magaaagi sa proseso ubtub nga ang tanan maluuwas; kag nyan ang unibersalismo matuud. Apang bangud kay **indi man sina**; ang taga sa rasa ni Adam isa ka sukub, kag ang kadasukub magabaaton sing ispiritu para sa iyang kaugalingon, kay kon indi, indi sia maluwas. {1842 Josiah Litch, prophetic Expositions Volume 132.2}

J.N. Loughborough

Sa pagkamaayo kuntani sa sini nga kaangtanan kon ang nasiling na, napasad, kag kon ano ang nasiling sa mga makasasala. Siguro indi gid kitta magmangin kaangay sadtong tawo sa akon duug nga gindak-an, sa panahon sang akon pagkapamatan-on sang may daku nga kontrabersiya ang Methodist kg ang unibersalista. Ining tawo nag siling” akon nabasa ang unibersalismo nga husto sa Biblia, sa pulong ni Cristo nagsiling, ‘siya nga magtoo kag bautismohan maluwas kag siya nga wala nagtoo maluwas man!’ “Nagbiya siya nga nagbilin sang amo nga pulong nga nakapabungkag bisan pa sa mga nabilin sang unibersalismo. J.N. Loughborough, Great SecondAdvent Movement p. 537

A.T. Jones

Exosisyon sang Mateo 24. Detalyi nga nakapabalhin sang posisyon sang mga unibersalista gikn sa 40 ka tuig ang nagaagi. Sa panahon sang 1888 nga mensahe sang unibersalista nabaylo kag gin-upod nila diri ang menta nga pagpaantus para sa malauton sa dili pa maluwas.

Disipulo—“ ano ang palatandaan sang imo pagbalik, kag ang katapusan sang kalibutan?”

Jesus—“ kon makita na ninyo ini tanan nga mga butang, kahibalo kamu nga malapit na, yara na Sia sa gawang.”

Probabli wala kapitulo s Biblia nga mas nagasugid nahanungud sa pagbalik ni Cristo magluwas sang Mateo 24 kag walay kapitulo sa Biblia nga nangin suheto sang dalagku nga kontrabesiya. Pero ang kinaiya sang kontrabesiya nagliwat sulod sa 40 ka mga tuig. 40 ka tuig ang nagligad ang kontrabesiya sa tunga sang unibersalista kag mga ortodox nga mga kristohanon. Ang unibersalista nagpanghiwala nga may palaabuton nga paghukom kag silot. Syempre gintudlo sila sa ateo 24 upod ang pagkalaglag ang Jerusalem sa nagligad nga panahon. Ang evangelical christians nagpahiwala nga ining mateo 24 ang kalaglagan diri indi iya lang Jerusalem pero ia ginpamatud-an nga si Jesus nagatudlo sa sang Personal nga pagbalik agud sa paghatag sang padya sa mga matarung kag magsilot sa mga kaaway. Sadtong mga commentador sing kalabanan nagatumud ini sa pagkalaglag sang Jerusalem sa ilang mga exposisyon, kag nagatumud man nga ini nagasugid nahanungud sa palaabuton nga pagbalik ni Jesus kag ang katapusan sang kalibutan. Alalangay sila nga nagaaplay sa sining diskurso ni Jesus sa kapitulo 24 kag 25 nga sa katapusan ini matabu. (Mateo 14, 890, ATJ, EMTF 7.3)

Ang Unibersalista may lain na nga tinindugan, kay sila lapit nalang nga mangin restorationista, nagakilala nga may mga pagpangsilot nga matabo, bisan sa palaabuton. Pero nagalalis pa kon bala ina displa okon pagpareporma. Ila gihapon ginatindugan nga ang Mateo 24 wala sing kaangtanan sa palaabuton nga silot kundi ini nagatumod lang sa kalaglagan sang Jerusalem. . { March 14, 1890 ATJ, EMTF 8.1}

Universalism/universal restoration ang resulta sang pagsikway sang maayong balita.

May madamu nga mga ebidensya nga nagapakita kon daw ano ka daku sang mga reaksyon halin sa simpli kag matuud nga pagtoo sang iglesia sadto, kag kon paano ang Kristohanon nga kalibutan nag-upod sa iya, sa panghunahuna kag sa pagbinatasan indi sa pinalatunlatun nga pagtolonan kag gawi upod sa mga pagano. Buksan ta ang aton mga mata sa kamatuuran nga ang kadaugan sang bag-ong relihiyon na angkon paagi sa aktwal nga akomodasyon sang mga pamaagi kag balatyagon sang dumaan. Dapat lang gid tani nga mag-amo sina. Kay sa tion nga ipahigad ini, tungud sa mga pagpangduhaduha, tungod kay indi mabaton, okon ano pa nga mga balatyagon, kag ang pinasahi nga mga pinsipyo sang maayong balita, ang natural nga pagkompromiso, pagbaton sang sarisari nga mga pagtudlo (electism), sa unibersalismo, sa pagkalain, kag sa pagkawalay pagtoo... {1898 ATJ, Great Empires of the prophecy (1891) 585.1}

Testimonya ni Ellen White

Pangabay: sa imo pagsugud basa sa sini nga siksyon palihug patapusa agud ngaindi ka mahuogsaamo man nga sayup sang mga unibersalista kag mga unibersal restortionista

Kinahanglan ko idugang ang panaysayon ni Ellen White, sa ngalan sang pagrespetar nga nagakadapat sa iya. Kag kon paano Sia nangin giya sa mga naghulat kay Jesus sa nagligad nga panahon, kag nangin alagyan sang kapawa agud nga nagaiwag sa tanan sa pagtan-aw sining matahum nga mga kamatuuran subung.

Ang masunod amo ang malaba nga siksyon gikan sa dakung pagsumpunganay nga naaddress sa sini nga topiko. Ayhan sa Kadamuan mahapus lang sa ila ang pagbaliwala sa sini nga libro, pero para sa akon kag sa madamu pang iban ini nga libro sadto kag karon tama ka

importante para sa bug-os nga experiensya bilang isa ka kristohanon. Sa sini nga pasahe, si Ellen White naghimo sang mga argumento gamit ang bersikulo sa Biblia nga dapat aton hatagan sing pagtamud. Para sa mga unibersalista nga nagahandum sa pagkombirter sang mga adventista pakadto sa ilang mga pagtoo.

May dalagku nga mga klasi sang mga tawo nga may pagpanudlo sinang dayon nga pagsilot bilang timbang naman sa pihak nga bahin. Apang gihapon sayup nga pagtudlo. Aton makita nga ang balaan nga kasulatan nagapakilala nga ang aton Dios mahigugmaon kag maloloy-on kag indi sila makapati nga ang Dios sarang magadala sang silot sa iyang mga tinuga sa dayon silot. Kondi ang kalag suno pa sa ila, may kinaandan nga pagkadili-mamalatyon, bangud nga wala na sila sang iban pa nga ikapaathag, nagkonklod sila nga ang tanan nga tawo maluwas. Kag madamu sa ila ang naglantaw nga ang mga silot nga nasulat sa kasulatan pagpamahug lamang agud nga mahadluk ang tawo kag sila ang magsunod pero ini nga mga silot suno pa ila; indi literal nga mahanabu. Busa sa sina; ang malauton sarang lang gid gihapon nga magsalig sang kaluwasan samtang ang pagkabuhi yara sa kalautan. Ang amo nga doctrina, pag-asyumer lang sa kaluoy sang Dios, apang nagasikway sang justisya sini, ginapahamuot ang unodnon nga tagipusoon kag ginpahabok ang kalautan sa ilang pagpakasala. {GC 537.1}

Agud ipakita kon paano ang mga tunuloo unibersal nga kaluwasan nakigdumog sa kasulatan agudlang gid nga ilang masustinir ang ilang makalaglag nga mga tinindugan, kinahanglan nga ipakita ang mahambal na nila. Sa lubong sang isa ka relihiyuso nga pamatan-on nga lalaki, nga sa kalit lng napatay bangud sa aksidente, ang unibersalista nga ministro bagpili sang isa ka texto ni salmista David nga nagasiling, “ kay ginlipay sia nahanungud kay Amnon, kay patay na sia. 2 Samuel 13:39. {GC 37.2}

“Masami ako ginapamangkot,” siling sang manughambal, “ano bala ang mangin kapalaran sang mga nagbiya sa kalibutan sang sala, napatay nga

yara sa kahulogbon, matsa sang dugo ang mga bayo bangud nga nakapatay, wala nakahimo sapaghinulsol kag wala nakaexperiensya sang ginatawag nga relihiyon. Napun an kita sang ko nano ang nasulat sa kasulatan; ang ila sabat magasolbar sang sining makahaladluk nga problema. si Amnon tama gid ka makasasala, dili mahinulsolon, nahubog kag samtang nga sya hubog ginpatay. Si David propetasnag Dios; nakahibalo kon maayo okon malaut ang mangin palaaboton para kay Amnon. Ano bala ang ekspresyon sang tagipusoon ni David? Ang kalag ni David nahidlaw sa kay Absalom: kay ginlipay sia nahanungud kay Amnon kay patay na sia. {GC 537.3}

“Kag ano ang ginatinguhaan nga walaon halin sa sini nga linguahe? Indi bala ang walay katapusan nga pag-antus nga magmanginwalay bahin sa iyang relihiyuso nga pagtoo? Busa aton nahunahunaan kag madiskobri diri ang kadaugan sa argumento sa Pagsuporta sang mas maayo kag mas maathag., may maalwan nga mga idea sa sinang ultimato nga kaputli kag kalinong unibersal. Siya na paumpawan paagi sa pagbaton nga si Amnon nga iyang anak patay na. Kag ngaa man? Bangud nga paagi sa mata sang propesiya, iya makita ang mahimayaon nga palabuton nga ang iyang hinigugmang anak ginkuha na gikan sa kalibutan nga puno sang mga pagsulay, pagkaulipon kag ginputli gikan sa kalautan sang sala, kag sa tapus nga siya bug-os na nga mangin balaan, pagadawat na sya sa mga nagtililipon sa kahitas-an kag magkalipay sa ispiritu. Ang nakapaumpaw sa iya nga mahibaloan nga ang iyang anak, ginkuha na gikan sa presente nga kahimtangan sang sala kag pag-antus, ang iyang hinigugmang anak nagkadto sa pinakamataas nga paggihawa sang balaan nga ispiritu mawala na ang kalag nga nadulman. Sa diin ang hunahuna mabuksan sa kaalam nga langitnon kag ang matam-is nga pagsagmit sang walay katamatayon nga gugma, kag sa sina na-andam ang balaan nga kinaiyahan agud mapangalipayan ang nahabilin kag pagpakig-upod sa Ingitnong palanublion. {GC 538. 1}

“Sa sini nga panghunahuna aton mahangpan kag toohan nga ang kaluwasan sang langit wala nagadepende sa kon ano ang aton mahimo sa sini nga kabuhi; okon sa presente nga pagbag-o sang tagipusoon, okon sa presente nga pagtoo okon presente nga nga pagpangangkon sang relihiyon.” {GC. 538.2}

Amo ina ang ginhimo sang isa ka nagaangkon nga ministro ni Kristo, ginpahayag niya ang sayup nga mga pagtudlo nga gintudlo sang man-ug sa Eden: “indi ka nga mas-a mapatay.” “sa adlaw nga ikaw magakaon sini, ang imo mga mata magamuklat kag ikaw mangin kaangay sa mga dios.” Sia nagdiklara nga ang pinakawalay bili nga makasasala— ang manugpatay, ang kawatan, kag ang makihilawason—sa tapaus sang kamatayon maandam sa pagsulod sa kabuhing dayon. {GC 538.3}

Kag sa diin nga bahin sang kasulatan nagkuha ining manugpatiko nga manughambal sa iyang konklusyon? Halin lang sa isa ka texto nga nagpasugot si David sa gintal-us. “Ang iyang kalag buut magpalapit kay Absalom; kay sia napaumpawan sa kay Amnon, kay patay na sia.” Ang kadalum sang iyang paglalaw nagtahaw pagligad sang panahon kag ang iyang hunahuna nabaling sa iyang anak nga buhi si Absalom, ang napatay nga may kahadluk sang silot bangud sa iyang nabuhat nga krimen. Kag ini amo ang ebidensya nga ang utod nga nagrape sang iyang utod, palahubog nga si Amnon ginpatay sang iyang utod nga si Absalom bilang timalosbangud nga ginrape niya ang iyang step sister nga otud mismo ni Absalom. kag ginlitan sa puloy anan sang kalipay, nga didto pagaputlion, kag I andam para makapakig-upod sa mga wala nakasala nga mga manugtunda! Sa pagkanami pamatian nga pabula di bala? Makapasahu kag makatagbaw sa unudnon nga tagipusuon! Ini amo mismo ang doctrina ni Satanas, tama ka epektibo ang iyang pagpangabudlay. Matingala pabala kita nga tungud sa sina nga doctrina ang kalautan labi na nga nagduging? {GC 538.4}

Ang ining dalanon nga ginapursigue sang isa ka Sayup nga manunudlo naga-ilustrar lang sa madamu pa nga iban. Diutay lang nga mga texto ang ginpabulag sa kon ano ang iyang konteksto, nga sa madamung kaso nagapakita sang kabaliskaran sa husto nga kahulugan sang amo nga dinalan; ang among pagbungkag sang pasahe mga pinatiko kag gingamit nga pamatuud bisan nga wala na pasad sa pulong sang Dios. Ang amo nga panaysayon ginplastar bilang ebidensya nga ang palahubog nga Amnon ato sa langit isa ka pagtinguha nga dirikta nga nagabatikal sa klaro kag positibo nga sinulat sang kasulatan nga walay palahubog nga makapanubli sang ginharian sang Dios. 1 Corinto 6:10. Sila nga mga madinuhaduhaon, dili tumuloo, kag mga manugpatiko sang kamatuuran agud mangin butig. Kag ang madamung nadayaan paagi sa ilang mga madayaon nga mga argumento kag paglingawlingaw sa unodnon nga mga saad. { GC 539.1}

Kon abi ina matuud nga ang mga kalag sang tanan nga tawo direkta nga nga makadto sa langit sa tion sang ilang kamatayon, niyan pwedi naton handumon ang kamatayon sang sa kabuhi. Madamu ang naluyag sang sini nga pagtudlo sa bagay nag-utod sang ila kaugalingon nga kabuhi. Kon sila maglumoslumos sa kadubluyan, kaiwaton kag pagkapaslaw, mangin mahapus sa ila ang pagbugto sang hilo sang kabuhi kag maglupad palayo pakadto sa kalibutan sang kalipay nga dayon. {GC539.2}

Ang Dios naghatag singklaro kag athag nga ibedensya nga ang Dios magasilyo sadtong naglapas sa Iyang kasugoan. Yadtong mga nagapasaligsalig sa ilang kaugalingon nga Sia tama ka maluluy-on sa paghukom sa mga makasasala, kinahanglan nga magtan-aw sa krus sang kalbaryo. Ang kamatayon sang walay sayup nga anak sang Dios nagpanaksihon nga ang “bayad sang sala kamatayon,” kag ang tagsa nga naglapas sang kasugoan sang Dios magabaton sang matarung nga silot. Si Kristo nga walay sala nangin makasasala para sa tawo. Iya gindala ang guilt sang paglapas, kag ang nawung sang Iyang amay nataguan tubtub

nga ang Iyang tagipusoon nabuong kag ang Iyang kabuhi nawala. Tanan Niya nga mga sakripisyo ginhimo agud nga ang mga makasasala matubus. Kag ang tanan nga mga indi magbaton sa pagpakig-ambit sa sinang katumbasan nga gintanyag, sa Iyang kaugalingon nga sala siya magabaton sang silot kag magdala sang Iyang kaugalingon nga pagkamakasasala. {GC 539.3}

Aton pagid iga konsiderar ang kon ano ang tudlo sang Biblia nahanungud sang dilidiosnon kag dilimahinulsulon, nga suno pa sa mga unibersalista nagbutang sang langit bilang balaan kag malipayon nga mga manugtunda. {GC 540.1}

“Ako magahatag sang tuburan sang tubig sang kabuhi nga libri.” Bugna 21:6. Ini nga saad para lamang sa mga ginauhaw. Wala! kundi yadto lang ang nagabatyag sang ilang pagkinahanglan sang tubig sang kabuhi, kag nagapangita bisan pa nga madula pa ang tanang butang nga sarang mahatag. “Sia nga magmadinaugon magapanubli sining tanan nga mga butang; ako mangin Iyang Dios, kag sia mangin akon anak.” Bersikulo 7. Diri man, ang mga kondisyon ginplatar. Agud nga makapanubli sang tanang butang, kita dapat nga magpakigbato kag magdaug batok sa sala. {GC 540.2}

Ang Ginoo nagdiklara paagi kay propeta Isaias: “isiling sa mga matarung, nga magmangin maayo ini sa Iya.” “Woe sa malauton! Magmangin malain ini sa Iya: kay ang balus sa binuhatan sang Iyang mga kamut igahatag sa Iya.” Isaias 3:10-11. “Bisan ang makasasala nagbuhat sing alautan sing makagatus ka basis,” sling sang maalamon nga tawo, “kag ang Iyang mga inadlaw magalawig, apang ako nakahibalo nga mangin maayo lang ini sa mga nagakahadluk sa Dios, nga may kahadluk sa atubangan Niya: apang indi ini kayohan sa mga malauton.” Manugwali 8:12-13. Kag si Pablo nagpanaksihon nga ang malauton nagpakamangad sang Iyang kaugalingon nga “kaakig batok sa adlaw sang kaakig kag kapahayagan sang matarung nga hukom sang Dios; nga magahatag sing

padya sa tagsa ka tawo suno sang iyang mga binuhatan,” “kasisit-an kag pag-agunto para sa mga manugbuhat sang kalautan.” Roma 2:5,6,9. {GC 540.3}

“Walay makihilawason, okon mahigko, mahamkunon, mga manugsimba sa diosdios, ang magapanubli sing bisan ano sa ginharian ni Kristo kag sang Dios.” Epeso 5:5, A.R.V. “Magmakigdaiton sa tanan nga tawo, kag sa pagkabalaan, kon wala ina walay tawo nga makakita sa Ginoo.” Hebreo 12:4. “ Bulahan ang mga nagahimo sa pagsunod sa Iyang mga kasugoan, kay sila ang ,may kinamatarung sa kahoy sang kabuhi, kag makasulod sa mga gawang sang syudad. Kay ang sagwa mga ido, mga babaylan, mga makihilawason, mga manugpatay, kag mga manugsimba sa mga diosdios, kag ang mga nagahigugma kag nagabinutig.” Bugna 22:14-15. {GC 541.1}

Ang Dios naghatag sa tawo sang deklarasyon sang iyang karakter kag sa Iyang metodo sang pagdala sang sala. “ Ang Ginoo, ang Ginoo, Dios ngga maluluy-on kag mainayuhon, makuli sa pagpangakig, kag bugana sa malig-on nga paghigugma kag sa pagkatutum, nga nagatipig sang malig-on nga paghigugma sa mga linibo, nga nagapatawad sang kalautan kag sang paglapas kag sang sala, kag indi nga mas-a magpasaylo sang malalison nga nagapaduaw sang kalautan...” Exodus 34:6-7. “Tanan nga malauton Iyang paglaglagon sila sing tingub; ang katapusan sang mga malauton utdon.” Salmo 145:20; 37:38. Ang gahum kag otordad sang langitnong pang-gobyernohan magahimo sa pagpauntat sang rebelyon; apang tanan nga ina mahatag sang nagakadapat nga silot sa hustisya nga may kahimpit sa karakter sang Dios bilang maluluy-on, pagbatas kag maalwan nga Dios. {GC 541.2}

Ang Dios indi gid magpamilit sa kabubut-on okon paghukom sa bisan kay sin-o. Walay kalipay ang Dios sa inulipon nga pagsunod. Buut Niya nga ang tinuga sang Iyang mga kamut maghigugma sa Iya bangud kay angayan Sia nga higugmaon. Gusto niya nga magsunod sila tungud kay

malaamon sila nga nag-apresyar sang Iyang kaalam, hustisya, kag kaalwan. Kag ang tanan nga may matarung nga paghangup sini nga mga kwalidad amo lang ang maghigugma sa Iya bangud nga ginbuyok sila papalapit sa Iya nga may pagkakunyag sang Iyang pamatsan. {GC 541.3}

Ang prinsipyo sang kaayo, kaluoy, kag gugma, gintudlo kag ginpakita sang manluluwas. Amo ang balasahon nga kabubut-on kag karakter sang Dios. Si Kristo nagdiklarar nga ang Iyang gintudlo amo lang ang kon ano ang Iyang nabaton gikan sa Amay. Ang prinsipyo sang langitnon pang gobyernohan himpit nga harmoniya sa pagsulondan ni Kristo, “higugmaa ang imong kaaway.” Ang Dios nagpatuman sang hustisya sa mga malauton, para sa kaayohan sang uniberso kag kaayuhan para sa sadtong pagahukman. Ginahimo Niya sila nga malipayon sa iyang mahimo nga suno sa Iyang kasugoan sang Iyang pang-gobyerno kag ang hustisya sang Iyang karakter. Ginapalibutan Niya sila sang mga token sang Iyang gugma, Siya nagahatag sang kahibalo sa Iyang kasugoan kag magsunod sa Ila nga dala ang tanyag sang kaluoy; apang sa pihak sang Iyang gugma, ginpakawalay pulos ang kasugoan kag ginsikway ang kaluoy. Samtang nga padayon nga nagabaton sang Iyang mga dulot, ginpasipalahan ang manughatag, nagakaakig sila sa Dios bangud kay kahibalo sila nga ginadumtan sang Dios ang ilang mga sala. Ang Ginoo madugay na nga nagbatas sang ilang mga katikoan; apang ang oras sang pagdisisyon magatapus, kon ang ilang distinasyon madisisyonan na. Iya bala pagakadinahan ining mga rebelde sa Iyang kiliran? Okon pagapiliton bala niya sila sa paghimo sang Iyang kabubut-on? {GC 541. 4}

Iya gingamit ang Biblianhon nga argumento sa pagpresentar sang pagtolun-an Adventista batok sa uniberslismo/ universal restorationismo. Ang mga masunod amo ang iban pa nga mga halambalanon sa kaangtanan okon sa konklusyon sa iyang panghunahuna sa kawsa sa sining doctrina kag sang iyang bunga.

Si Ellen White man maathag nga naghambal nga ang paghinulsol dapat nga buhaton na sa sining kabuhi, indi sa palaabuton nga panahon sa tapus ang kamatayon:

Sa parabola sang manggaranon kag ni Lazarus; ginpakita ni **Kristo nga sini nga kabuhi ang tawo nagdisisyon sa ilang walay katapusan nga padulongan**. Samtang yari pa sa panahon sang probasyon ang grasya sang Dios ginatanyag sa tagsa ka kalag. Pero kon usikan sang tawo ang ilang kahigayonan sa pagpaayun sang ilang naluyagan, gin-utod nila ang ila kaugalingon gikan sa kabuhing dayon. Wala sang higayon pa nga ihatag sa tapus sini nga kabuhi. Paagi sa ila kauggalingon nga mga pagpili ginpat-ud nila ang ila indi matabok nga ulang sa tunga nila kag sang Dios. {COL 260.1}

Kag magluwas sa sini tanan, sa tunga naton kag nila may daku man nga ulang nga ginpat-ud; agud nga walay makatabok, ikaw dili makadto sa ila, okon sila dili makakadto sa aton, agud nga walay makapalapit halin didto.” Amo ni ang ginpresentar ni Kristo: ang pagkawalay paglaum sa mga nagalantaw sang sinang ikaduha nga kahigayon sang probasyon. Ini nga kabuhi ang bugtong nga ti-on nga ginhatag sa aton agud nga kita mapreparar para sa eternidad. {COL 263.3}

Gusto ko nga magbutang sang mas may paglaum nga pasahe gikan kay Ellenn White sa pagttapus sa sini nga seksyon. Sa sini siya nagulat nga my mga tawo sa langit nga wala gid nakabati san maayong balita. Samtang nga klaro kaayo ang ang pagtoo kay Kristo kinahanglan agud nga maluwas, ang Espiritu man abi ni Kristo sarang nga makapanghikot sa tagipusoon sang tawo kag magtugut sa ila sa pagbuhat sang mga butang nga ginakinahanglan sangkasugoan bisan pa nga wala sila sing may nahibaloan sa pagtoon nahanungod sa Dios.

“Yadtong mga ginpasidungan sang Dios sa adlaw sang paghukom mahimo nga gamay lang ang nahibaloan sa teolohiya, apang ilang

ginpakamahal ang prinsipyo sang Dios. Paagi sa influwensya sang balaan nga espirtu nangin pagpakamaayo sila sa ilang palibot. Sa tunga ang mga Hethanon amo ang nagasimba sa Dios sa wala nila mahibaloi, sa mga tawo nga ang kapawa wala madala sang tawhanon nga mga galamiton, pero indi sila mawala. Bisan nga wala sila kabalo sang kon ano ang nasulat sa kasugoan sang Dios, nabatian nila ang Iyang tingug paagi sa kinaiyahan nga nagapakigsugilanon sa ila, kag nagabuhat sang mga butang nga ginakinahanglan sang kasugoan. Ang ilang mga buhat ibedensya nga ang Balaan nga Espiritu nagtandug sang ilang mga tagipusoon, kag sila nakilala bilang anak sang Dios.” —Ellen G.White, *The Desire of Ages*, p. 638.

Pasalamatan naton ang Dios tungud sa Iyang pagpangabudlay sa tagsa ka tagipusoon sang tawo, pero dapat an naton mahangpan nga sa konteksto sang dakung pagsumpunganay ang sistimatik kag kompleto nga paghangup sa Dios kag ang plano sang kaluwasan amo ang labi ka gamhanan magdani sa tawo padulong sa pagpasag-uli sa ilang Amay. Ang tawo logikal nga tinuga, ang Dios nagtawag sa aton kaangay ni Pablo, sa pagwali sang kamatuuran nga makakonikta sa hunahuna kag tagipusoon. Ang aton panghunahuna, mga disisyon, kag aksyon importante; labi na gid sa aton mga sabat sa Maayong Balita.

Konklusyon

Sa akon maathag nga ang unibersalismo, may ara okon wala man sang probasyon sa tapus sang kamatayon, wala gid naghaum sa kasulatan. Mahimo nga I pakigbais ina sa pagwali nga ang makasasala pagasilotan sing temporaryo sa dili pa siya makasaka sa langit suno sa iyang mga binuhatan apang indi ina makapakombinsi sa isa nga dili na magpakasala. Siguro indi ina amo ang kaso. Ang isa magwali sang

pulong sang Dios sa tama ka sibud kag budlay hangpon bangud kay ang pulong nga ginapahangup indi suno sa buut ipahangup sang pulong sang Dios. Ang magsiling nga maluwas ako gihapon bisan pa nga ako indi magtoo? Siguro ang tanan nga mga tagipusoon nga unodnon, labi nga indi nagid magtoon sa Pulong sang Ginoo. Ang pagtoo indi na kinahanglan? Nyan ang pagtoo lubos nga madulaan sing importansya, kag ang tanan nga bunga sang pagtoo madula man— ang buut silingon nga ang gahum sa pagbag-o sang karakter kag pagdaug madula.

Aton gid hunahunaon kon paano ang amo nga mensahi magaapekto sa unodnon nga pagkatawo. Pagwali sang sala subung kag mag-antus sa tapus sang pagkabanhaw vs. paninguhai nga batoan ang sala subung kag mag-antus sa wala pa ang pagkabanhaw.... Hunahuna ko lang; siguro ang kadamuan magsiling gid nga “di bali mag-antus sa tapus sang pagkabanhaw basta lipay lang ko subung. Daw ano kalain siguro ba, kon kita tanan amo sina ang madangtan.?” Okon ilang tinguhaan nga madaug subung, pero sa pag-abot sa gamay nga mga kalisdanan sila magahunahuna, “oh mas maayo pa guro nga itugyan ko nalang ni sa Ginoo ang pagputli sa akon sa tapus nga ako mapatay,” kag nyan magrelax sa Kristohanon nga panlakatan. Amo sina bala si Pablo?

Gindisiplina ko ang akon lawas kag gindaug ini, basi kon sa tapus nga nakawali ako sa iban ako akon pagsikwayon. (1 Corinto 9:27)

Ang iban nga porma sang unibersalismo nagatudlo nga ang mga tawo pagasilotan sa sini nga kabuhi. Ini man dili matuud upod sa aton experiensya sa sini nga kalibutan madamu ang malauton nga mga tawo ang nagakabuhi nga nagapagusto nga walay konsekwensya samtang nga padayon sila nga nagaduso playo sang konsensya sang ilang daluk nga pagkinabuhi. Paano kita makasiling nga nagaatubang sila sang paghukom sa sining kabuhi, kon wala pa man gani sila nakaatubang sang ilang manunuga kag wala pa nila mahibaloan ang nahimo ni Jesus

sa ila kag kon paano nila Sia napasakitan kag sang iban nga tawo? Ini magatabo lamang sa adlaw sang paghukom, kon ang aton mga nahimo ikabalik tanan sa aton kag dapat nga aton atubangon.

Indi ko ma imagin nga ang mga disipulo ni Jesus nagpabaliskad sang kalibutan paagi sa mensahi nga “hinulsol, kay ang tanan maluwas sa tapus sang malip-ot nga silot.’ Ayhan makahimo ini nga mensahi sa pagpaliso sa kasingkasing kag makapasiparar sa ila gikan sa kalibutan? Nga makahimo kay Esteban nga mapatay para kay Kristo? Ang mga tawo nangin wiling nga mapatay para kay Kristo kag nagapaambit bangud kay Sia amo ang yabi sa kadaugan batok sa sala. Kay kon wala ina nga yabi, indi kita makapalangit, bangud kay ang “unod kag dugo dili makapanubli sang ginharian sang Dios; okon ang madinulonton makapanubli sang mga dili madinulonton.” (1 Corinto 15:50)

May yara nga panghunahuna nga himoon lang sang Dios nga mangin klaro ang tanan sa tanan nga tawo sa tapus ang pagkabanhaw, kag ang tanan magahinulsol kag mapasag-uli sa Dios. Pero kon amo man lang sina ngaa indi ya na himoon subung palang daan? Ngaa maghulat pa sang dason, samtang ang iyang pulong nagsiling nga ang experiensya nga sa pagkamatarung ginakinahanglan sa sining kabuhi? Sa diri magasulod ang pagtoo, amo ina Sia kamatarung kon maghukom. Ang pagpaulay nga proseso sa sini ta nga kabuhi, kag ang Dios amo ang nagahimo sang tanan nga liyang mahimo agud nga subung mapapalapit kita sa Iya karon.

Kay Sia nagsiling, “sa tion nga nahamut-an ginpamatian ko ikaw, kag sa adlaw sang kaluwasan gintabangan ko ikaw.” yari karon, karon amo ang ti-on nga nahamut-an; yari karon, karon amo ang adlaw sang kaluwasan. (2 Corinto 6:2)

Kinahanglan nga seryusohon ang aton palaabuton subung palang daan, maghimo sang disisyon sa kon paano kita magkabuhi sa kapawa sang

aton nahibaloan nga sa palno sang kaluwasan ang Dios. Siryosohon ta ang aton pagtoo, dumduma nga ang pagtoo amo ang yabi sa kabuhing walay katapusan.

Subung nga bunga sang inyo pagtoo ang kaluwasan sang inyo mga kalag inyo maagum. (1 Pedro 1:9)

Kon indi ta pagtugutan nga mamuhi ang binhi sang kamatuuran subung, nga magabag-o kag makapaliwat sa sulud naton, nataya sa daku nga risgo sang kadulaan ang aton kalag, ang magpabilin sagwa sang balaang Syudad sang Jerusalem. Ang aton disisyon nga pagabuhaton naton sa sini nga kabuhi, mangin amo na ina. Wala na sang sarang pa nga mahimo ang Dios para sa aton sa tapus ang pagkabanhaw okon paghukom sa katapusan.

Ang malauton maghimo sing malaut gihapon, kag ang mahigku magmahigku gihapon, kag ang matarung maghimo sing matarung sa gihapon kag ang balaan magbalaan gihapon.” Yari karon, nagakari ako sing madali, nga nagadala sang akon balus, sa paghatag sa tagsa ka tawo sono sa iya buhat. Ako ang alpa kag ang omega ang nahauna kag ang naulihi ang ginsuguran kag ang katapusan.” Bulahaan ang mga nagahimo sang kasugoan sang Dios, kay sila may kinamatarung sa kahoy sang kabuhi, kag makasulod sa mgagawang sang syudad. kay sa gwa amo ang mga ido, ang mga manugbabaylan, kag mga makihilawason, kag ang mga manugpatay, kag ang mga diwatahan, kag ang tagsa nga nagahigugma kag nagahimo sing butig. (Bugna 22:11-15)

Duha ka mga grupo, angg matarung “nga nagahimo sang mga kasugoan” sila ang makasulod sa syudad(14), kag ang mga dilimatarung magapabilin sa “gwa” (vs.15). Dili naton iwali nga walay kinatuhay sa sining duha ka grupo; ihatag ta ang athag nga mensahi.

Ang Dios gugma, sa ano man nga pamaagi nga dalhonNya ang tanan sa kabuhing walay katapusan.

Ini amo ang pinakabasihian sang pagtuluohan sang tanan nga tipo sang unibersalismo. Apang ano gid bala ang ginatudlo sang Biblia?ang lalambuton sini nga libro amo nga masabat ini upod ang iban pa nga mga aplamangkutanon, kaangay sang:

May yara gid bala kinalain sa ko nano ang matabo sa tumoluo kag dili tumuloo sa katapusan sang panag-on?

May yara bala maluwas kag indi maluwas?

Paano ining pagtoo kag kahilwayan maghaum sa unibersalismo nga pagtudlo?

Ano ang kabaliskaran sang kabuhing walay katapusan?

May yara gid man bala pagpamatay nga magakalatabo?

Importante pa bala nga madaug ang sala?

Paano ginplastar sang unibersalismo ang pagwali sang maayong balita?

Upod ang libro sang kabuhi? Upod ang ika-duhang kamatayon?

Upod ang mga katawhan sa sulod kag sa guwa sang Bag-ong Jerusalem?

Ang unibesalismo bala naghangkat sa tawo sa pagpabuyanbuyan okon sa paghimo sang pagpangandam?

Ano ang kaulugan sang Juan 3:16?